

Szene 4 nach Barbie Girl

Laura *Sound* Du hast 5234 Loots gesammelt. Bravo. Damit du das neue Level starten kannst, lade mindesten einen Freund zum Spiel ein. Das nächste Level bringt mega viel Spass, den du sonst nirgendwo findest.

Leila Yes!! 5234 Loots! Danke, MMOG. Hesch min Avatar gseh? Dä esch voll cool...

Malin Du, Leila, ech glaub, das esch nüd för mech.

Leila Was. Chasch ämel ned nochem erschte Level scho weder ufhöre. Du weisch jo no gar ned, was no alles chonnt. Bestimmt gfallt der s'nöchschte Level besser.

Malin Wenn du meinsch. Aber dezue muess ech jo no öpper gfinde, wo au isch Spel istiigt... Wer frogsch du?

Leila Hmm, du besch jo scho debi ond anderi Frönde hani ned wörklech. Ou ech weiss wer, mini Cousine macht secher met.

Sorry, ech muess sie grad go froge, demet ech s nöchschte Level chan starte. Hesch du ned auch Cousine oder Gschwösterti...?

Chiara Hey, wie lauft's? Of welem Level sender afäng?

Leila Es lauft super, ech ha met mim Avatar scho öber 5000 Loots gholt – d Malin leider zemlech weniger. Höt chani wiiter mache, mini Cousine het sech för MMOG agmäldet. Wie gsehts be der us, Malin?

Malin Mhm.

Leila Was, mhm. Wer hesch chöne deför gwönne?

Malin Mini chli Schwöschter. Sie weiss es aber ned, ech ha sie eifach agmäldet.

Chiara Hey, esch doch völlig egal. Hauptsach, ehr chönnd wiiterspele. S Level drüü esch em Fall mega Cool. Wössed er was, ech spel das grad au nomol.